



Шогунчо эл, порылык да гын берг!

Будь готов/ ЯМДЕ ЛИЙ

1933 ий 1 февраль годсек лектеш.

0+

Фотопроект



Марий кундемын
100
МАРНИ ЗА
эргже ден удьжю

Фотом школ ар
гыч налме.

Лудса:

«Ямде лий»
газетлан 87 ий темын.
Кö мемнам саламла?

Слайм нерген мом
паледа?

3

Йуштö тельм эн
сай йолчием –
портышкем.
Марий калыкын шнуй
верже – күсото.

4

Таза капыште –
таза чон.
«Физкульт-Ура» лаштык.

5

Пиал кайык – мо
тудо? Кушто тудым муаш?

6

ПОДПИСКЕ

«Ямде
лий» газетлан кажне
тылзын 15-ше числа марте
почто отделенийлаште
возалташ лиш.
Индекс – П4696.

Электрон подпискылан
89024668399 телефон
номерышке оксам пышты-
ман, yamde_lii@mail.ru
адресыш лүмнердам возен
колтыман.

Ак – 150
тенге.

Газетлан
возалташ
вашкыза!



Рекламе.

Морко

район Коркатово лицейсе
«Лицейсты добра» волонтер отрядын 9-ше
классыште тунемшыже-влак Валерия Иванова,
Таня Васильева, Мария Герасимова, Настя
Иванова, Мария Никифорова. Нуно 2019 ийыште
«Добро не уходит на каникулы» всероссийский кон-
курсышто «Добрый старт» тагасыште сенгышыш лек-
тыныт. 226 тужем тенге грант дене палемдалтыныт.
Российысе 500 эн сай волонтер отряд радамыште улыт.



Марий Эл – икымше!

Фотом еш архив гыч налме.



29 январьыште
Э.Сапаев лўмеш
Марий опер да
балет академиче-
ский театрыште
Марий Эл



Вуйлатыше
А.А.Евстифеев
Театр идалы-
кым торжес-
твенно петырен,
Шарнымаш



да чап идалыкым почын. Тыгак
Марий Элын 100 ияш лўмгече
идалыкшылан стартым пуэн.
«2020 ийыште тўнямбал да
россий кўкшытан 20 утла меро-
приятый вуча. Шыжым
Москваште ВДНХ-ште Марий
Эл нерген выставке лиеш, –
каласен тудо. – Тиде кок юби-
лейым чап дене эртарен колты-
шаш верч ме чот тыршышаш
улына».

Кугу сцене гыч
А.А.Евстифеев «75 лет Победы
в Великой Отечественной
войне 1941–1945 гг.» юбилей
медальым сарын ветеранже-
влаклан кучыктен. Залыште
улшо калык нуным совым
кырен саламлен.

Л. СЕМЕНОВА.

Российын
тўрлў регионжо
гыч 7-18 ияш
222 ўдыр-рвезе,
57 команде ви-
йыштым терге-
ныт.

Удмуртийысе Дебёсы селаште ялысе
тунемше-влак коклаште шахмат дене
писын модмаш эртаралтын. Тушко
Медведево посёлкысо 3-шо номеран школ
да Медведево гимназий гыч ўдыр-рвезе-
влак ушненыт. Марий Элын командыже
икымше верыш лектын. Миша Мшаров кандаш
партийыште сенген да 1-ше вер дене палемдалтын. Тудын йол-
ташыже Данил Новосёлов той медальым налын. «Тыгай мод-
маш Удмуртийыште икымше гана эртаралтын. Ўдыр-рвезе-влак
дене кыртмен ямдылалтынна. Тыршымына арам лийын огыл.
Самырык шахматист-влакын вашла полшен шогымыштлан кўра
сенымашке шуынна», – оила тренерышт Е.С.Саватков.

Х.АЛЕКСАНДРОВА.

Саламлена!

Марий
Турек
район Сардаял школын
директоржо **Полина Вла-
димировна СОРОКИНАМ**
55 ийым темымыж дене
саламлена! Ўмыргорнет
памаш вўд гай кужу, тазалы-
кет тумо гай пенгыде ли-
йышт! Ешет кугезе пушенте
вож деч вийым налын шарлыже. Тек
пеленет тыйым йўратыше, умылен моштышо
да полшен шогышо лишыл енет-влак лийыт.



**Поро саламлымаш дене пелашет, шоч-
шет, уныкат, шўжарет, акат-влак да
Сардаял школын туныктышо да тунем-
шыже-влак.**

Историйым шергалына

1943 ий 2
февральыште совет войска Сталинград кре-
далмаште фашист-влакым кырен шалатен.
Сталинград кредалмаш кок йыжыг гыч шога:
аралалтме (1942 ий 17 июль гыч 18 ноябрь
марте) да наступательный (1942 ий 19 ноябрь
гыч 1943 ий 2 февраль марте). Ты кредалмаш-
те 1,3 миллион совет салтак вуйжым пыштен. 4
тўжем утла танк да 2,7 самолёт, 17 тўжем ору-
дий ден миномёт пытеныт. Кредалмаште лўдды-
мылыкым да геройлыкым ончыктымаштлан 120
совет салтак Совет Ушем Герой лўм дене
палемдалтын, 760 тўжем енлан «За оборону
Сталинграда» медальым кучыктымо.

Л.НИКОЛАЕВА ямдылен.

«Урок цифры»
всероссийский тунемме
проект тунемше-влаклан
у шинчымашым, тунык-
тышо-влаклан методике
полышым налаш полша.
3-16 февральыште,
вебинар йўным кучыл-
тын, «Персональные
помощники» теме дене
уш-акылым келгемдаш
лиеш. Моло уверым
урокицифры.рф сайтыш-
те лудын кертыда.

С.Г.Чавайн лўмеш
национальный библиотеке
Кугу Ачамланде сарыште
Сенгымашлан 75 ий темме
лўмеш «Книги военных лет»
ончерым келыштарен.
Тушто 1941-1945 ийлаште
савыктыме книга (сар
жапыште Марий книга
савыктыш 580 наре книга
луктын), документ, фрон-
тыш возымо серыш-влакым,
шанчыен-шамычын паша-
лаштым ужаш лиеш.

Российын
эн сўрал
да калык-
лан палыме
олажым
йўклымаш йўн дене
ойырат. Йошкар-Олалан
<https://город-россии.рф/yoshkar-ola>
сайтыште кажне кечын
кеч-могай жапыште йўк-
дам пуэн кертыда.
Рўдолана кызыт – 33-шо
верыште.



«Ямде лий» 2020 ий 1 февраль



Шочмо кечет дене, Йоратыме «Ямде лий»



1933
ий 1 фев-
р а л ь ы ш т е
газетын икымше
номерже савык-
талтын.

Эртыше ий сай шарнымашым коден: «Марий Юнкор – 2019» слётышто лийынам, юнкор радамыш ушненам. Тушто кажне йочалан футболкым да книга пөлекленит. Слётышто ятыр поэт, писатель, журналист-влак дене палыме лийынам. Шуко у йолташым вашлийынам. Ваня, Сева, Эльмир дене кылна эн чот пенгыде лийын. Слёт деч вара «Ямде лий» газет поро йолташыш савырнен.

Ме, Пётъял школын тунемшыже-влак, йоча газетым, пашаен, юнкор-влакым шокшын саламлена. Мотор марий газет дене ончыкыжымат кылым кучаш тўналына да подпискым ыштена.

Андрей НИКИФОРОВ.

Волжский, Пётъял.

Мый «Ямде лийыш» йочасадыш коштем годсек возкалем. Йоратыме газетым кажне шуматкечын шўм вургыж вучем, шке возымо йомакем але изи заметкем, ойлымашем але почедамутем лым лийде кычалам. Йолташем-влакын возымыштым ужам гын, эшеат чот йывырте. Йоча-влак сылнымут пашаштым кушко колтен кертыт? Мутат уке, «Ямде лий» газетыш. Республикыште тыгай йоча газет икте гына. Тений тудлан 87 ий темын. Шочмо кечет дене, йоратыме газетем!

**Юлия УСОВА.
Марий Турек
посёлко.**



«Ушан» пластилин – слайм

Кызыт кевытлаште могай гына модыш уке?! Пурен шогалатат, мом налшашетымат мондет. А икшыве пала: «Авай, слаймым налын пүэт?» – йодеш. Мо тыгай слайм? Тидын нерген Йошкар-Оласе «Ух Ты!» модмо рўдерыште тыршыше Анна Сергеевна СИДОРОВА дене кутырышна.

– Слаймым «ушан» пластилин маныт. Тудо лизун модыш гаяк. Шуйнылшо модыш моткоч онай. Мыняр шонет, тунар шарла – ок кўрышталт. Кўшкыла нўлталат гын, парняла кокла гыч «йоген» кая. Слайм яклака, пушкыдо. Мутлан, термослаймым (вес семынже тудым хамелеон маныт) изиш ырыктет гын, тўсшў вашталтеш. Космический слайм йўдым волгалтеш. Магнитный слаймыш тыгыде пуда, скрепке-влак пижыт.

– Те мастер-классым эртареда, пайремшы, шочмо кечыш йўжмў почеш коштыда. Слайм йочалан энгекым огеш ыште?

– Слаймым ышташ клей кучылталтеш гынат, энгекым огеш кондо. Тудо мелкий моторикым вянгда, кидым лывырта. Слаймым ыштен, икшыве-шамыч шке

гыч тўрлў модышым кельштараш тунемыт.

– Мўнгыштў слаймым кузе ышташ лийме нерген интернетыште ятыр видео уло. Ала иктаж рецептше дене палдареда?

– Интернетысе роликыште чыла секретым огыт ойло. Могай клейым кучылтшашым, кунар да кунам мом пыштышашым сайын палыман. Ме йоча-влак дене ош тўсан «Момент» столяр клейым кучылтына. Тушко тетраборат натрийым изинизин чўчыктена. Мотор тўсым пурташ гуашым ешарена да 15-20 минут сайын л у г е н а . Шукыж годым п а р а ш ю т семын шарлышым але юж шар гайым ыштена.

– Шке гыч ыштыме слаймым кузе да кунар аралаш лиеш?

– Слайм шуко аралалтше манын петыртышан атыште шинчыктыман. Лавырташ огеш лий. Шокшо кечыште слайм кидыш пижедылаш тўналеш гын, ик-



Слайм-влак тўрлў улыт: оригинальный, баттер, кранчи, глосси, ниндзя, флаффи, лизунянда, нео, термослайм, фантом, магнитный, айсберг да моло.

кок чўчалтыш тетраборат натрий полша. Пенгыдемын але кўрышталтеш гын, глицериным, йоча кремым ешараш лиеш.

Тунам модыш уэш шуйнылшо лиеш.

Е.ИВАНОВА мутланен.

- Клейын да тетраборат натрийын шинчаш логалмышт деч шекланыва.
- Модмо деч вара киддам мушса.



- Кушто эн сай портышкем? - Карайыште!



Тўрлө-тўрлө чинче дене кельштарыме, тўрлымө, изи да кугу портышкемым Волжский район Карай ялыште Портышкем пайремыште ужаиш лийын. Пайрем тений кудымшо гана эртаралтын. Ярмиҗга, мастер-класс, модмаш, концерт – чылажат кумылым нөлтен. Портышкем мастер В.И.Очетов йорымө паша дене палдарен, кова-влак кўнчылам шўдыраш тунуктенят. Кудымшо классыште тунемше-влак Даша Ватютова, Роман Никифоров, Ксения Григорьева (снимкыште) изи портышкемым ышташ тунуктенят.

- Тыгай портышкемым ышташ неле огыл. Тидлан меж, шовын, вўд да чытыш кўлыт, – ойлат тунемше-влак. Ты пашалан кум ий ончыч шўмангыныт. Тунуктышышт – И.В.Артемыева.

- А те паледа, аралтыш портышкем кажне суртышто лийшаш. Тудо осалым покта. Ик шулышышкыжо ший оксам, весышкыже пырчым але кампеткым пыштыман, – Карина Захарова умылтарыш. Тудо ўмаште мастер-классым ончыктен. Тений – «ярмиҗга начальник». Каринан ойжым колын, ик портышкемым налде шым чыте.



Портышкем
- телымсе йолчим.
Тудо йолым ырыкта, тўрлө чер
деч арала.

Теве Ангелина Евсеева ден Ирина Гаврилова кўнчылам шўдырен онченятат, шўдыр гыч мундырам пўтыраш шинчыныт. «Кудо паша-же куштылгырак?» йодмемлан «Шўдыраш але сайын тунем шуын огынал. Нелырак», – шыргыжалын пелештышт.
Е.ИВАНОВА.

Кўсото ожнысек марий калыкын шнўй вержылан шотлалтеш. Тушко еҗ-влак Пўртўс Юмылан кумалаш коштыт. Нуно Юмо деч тазалыкым, пиалым, тынысым, поянлыкым, сай илышым йодыт. Олор ялна йыр ятыр кўсото уло.



Мер кўсотышто ял калык Мер Юмылан кумалын. 1991 ийыште Тўнямбал кумалтышым эртареныт. Тушко тўжем утла еҗ погынен. Эн тўн ото – Олор кумдыкеш. Калык тыш ўшан дене толеш. Мер кумалтыш мо, Агавайрем – Калыкемын юмылмо пайрем.

Левантий кўсото Леонтьев тукумын кумалме верже лийын. Левантий кугыза чодырам пўчкын налын да печым печен шынден. Кўсотылан тудо гына оза лийын, шке тукумжо дене гына кумалын.

Очий кўсото
Очий тукум – кугу тукум –
Куча посна кўсотым.
Ончык ынже куш йолгорно.
Сортатул, йўлал тый сотын.

Кугу кўсото Кўшыл Олорын (кызытсе Ленин урем) кумалме верже лийын. Кугу Олорын уло шкенжын ото, Шога тора гычак волгалт. Ош кавашке йодметым колто, Сўрвален толмо – шукталт!

Шоргокла кўсото.
Тиде кўсотышто Шоргокла уремыште илыше-влак кумалыныт. «Пеледыш пайремым» эртараш тўналме дене кўсотым кызыт «Пеледыш пайрем кўсото» маныт.

Сидыр починга кўсото – Сидыр починга калыкын кумалме верже.

Радмир САЛИХЬЯНОВ.
Тунуктышо – С.А.Степанова.
Параньга район.



15 медаль да ик кубок



Ксения Харитоновна (снимкыште) Параньга район Усола школын 6-шо классыштыже тунемеш. «Оригами», «Юный турист», «Пампалче» кружоклаш коштеш. Ёдырын 15 медальже, ик кубокшо да шотлен пытарыдыме грамотшо-влак улыт. «Российский азимут» таҥасымаште сёҥшыш лектынам. Мыланем шортнӧ медальым, кубокым да дипломым пуэнымт», – ойла Ксения. Шукерте огыл спорт ориентирований дене «Кубок Богдановых» таҥасымаште икымше верым налын. Тыгак радиоориентаций дене сёҥшыш лектын. Сентябрьште лу эн тале тунемше «Золотое кольцо» экскурсийыш миен толын. Нунун радамаште Ксения лийын.

Х.АЛЕКСАНДРОВА.



Ф
И
З
К
У
Л
Ь
Т
-
У
Р
А

Сёҥымашлан йывыртенна

Баскетбол дене район таҥасымаш 7-9-ше класслаше ёдыр-влак коклаште эртаралтын. Тушко ныл команде миен: Карлыган, Сысоево, Марий Турек, Косолап школла гыч. Чыла команде-влак дене модмеке, ме кумшо верым налына. Тиде сёҥымашлан моткоч йывыртенна.

Катя ОРЛОВА.

Марий Турек, Сысоево.



Тале спортсменлан поян

Школна ятыр ий тале спортсмен-влак дене чаплана. 11 ий жапыште физкультурым тунуктышылан Василий Егорович Ершов, Леонид Тихонович Сидыганов, Дмитрий Вадимович Петухов, куштылго атлетике дене Россий спортын мастерже Евгений Иванович Быков тыршенят. Нуно чыланат В.Е.Ершовын воспитанникше улыт. Кызыт физкультур урокым Конганур школымак тунем пытарыше Владимир Альбертович Бабочкин вӱда.

Александр РЫБАКОВ.

Кужэҥер район.



Сӱретче могай йонгылышым ыштен?

Теле каныш годым курык гыч ече дене мунчалтышна. Кастене уремаште модаш моткоч сай! Мелумъеным ыштен шогалтышна. Тыгак икте-васылан лумым кышкылтын модна.

Маша ПОКРОВСКАЯ.
Волжский, Кугу Корамас.

Тиде спорт модмашын правилже-влакым те сайын паледа. Матч 5 периодлан шелалтеш.

Кажне период 20 минут шуйна.

Коклаштышт – 15 минутан каныш.

Спортын могай видше нерген ойналтеш?

Увер

**Ечыгорно
ӱжеш!**

8 февральште Марий Элыште «Российын ечыгорныжо» всероссийский тӱшка ече таҥасымаш 38-ше гана эртаралтеш. Тыгак ты кечын Телымсе спортын кечыже палемдалтеш. Ече таҥасымаш 12 шагатлан «Корта» тунемме да тренировкым эртарыме базыште тӱналеш. «Российын ечыгорныжо» деч вара кумылан-влак ече таҥасымаш дене ГТО тестым кучен кертыт.

Телымсе спортын кечыжлан пӧлеклалтше тӱрлӧ мероприятий 30 январь гыч 8 февраль марте эртаралтеш: хоккей, шорт-трек, фигурный мунчалтымаш дене тренировка-влак, «Все на хоккей!» спорт модыш («Марий Эл» ий полат), «Ледовая феерия» спорт пайрем (7 февраль, Йошкар-Оласе «Дружба» стадионысо Ий полат) да молат.

«Ямде лий» 2020 ий 1 февраль

5

Пиал кайык

КОМИКС



Пиал кайыккем, лий пеленем.



Элвика ялысе школ деч вара, шке пиалжым муаш шонен, тунемаш пураш автобус дене кугу олаш кудалеш.



Могай кугу ола!
Тыште йомаш лиеш!
Кушкыла каяш?



Тынар шуко ен! Нуно тый дечет ушанрак, виянрак улыт.



Чын. Тый тидым шкеат умылет.



Тый тыште нигöлан от күл. Иленжат от керг.



Кок метр гыч пурла могырыш савырышса.

Толын шуында.



Элвикан ушыштыжо кок вий: Ушан да Кокытеланымаш – кучедалеш.



Пиал кайык ончыкылыклан ушаным пуа.

Ф.Лебедев сүретше-влак.



Шке шонымашкем шуам мо?



Ошкылым быштыде пален омнал.

Мо тыгай пиал?
Тиде Юмын пуымо пöлек.
Мо тыгай пиал?
Шумын сай да ныжыл сем.
Кажнын – шке пиалже,
Кöлан мо келша:
Кöлан почмо мланде,
Сылне пүртöсна.
Верешташ пиалым
Шуко нелым эртыман.
А кычал мумеке,
Арален вет кодыман.

Леонид АНДРЕЕВ,
Морко, Шүргыял.

Пургыж

Окнаш ончалын,
 чылт öрам:
 Мардеж вурседылеш –
 колам.
 Мура, шүшка,
 чүчка, модеш
 Да пире семын урмыжеш.
 Чонемлан йöсынрак чучеш:
 Изи лум пырчым

нöлталеш.
 Мый тышке-тушко ончалам,
 – Ну мом ышташ? –
 шыпак йодам.
 – Кузе гын тудым
 шогалташ? –
 Чонем тўнале вургыжаш.
 Ала ноен сур пире гай?
 Шып лие эркин.

Моткоч сай!
Юля ВАСИЯРОВА.
 Советский, Кодам.

✓ Шокшо мотор
 кече вашеш пы-
 рыс кўвар онаш возеш.
 ✓ Кече йыр онго
 лиеш – поран толеш.
 ✓ Кече кужыт латныл
 шагат лиеш – лум
 йўд-кече кая.

Мыланем
 телым У ий да
 Рошто пайрем-влак
 келшат. Но тений теле
 öрыктара. Лум возеш да
 икмьяр жап гыч шула.
 Лум олмеш йўрат йўреш.
 Мо лийн ала? Пургыж
 тылзыште теле толешак
 манын ўпанем.

Маша БУЛЫГИНА.
 Йошкар-Оласе 21-ше
 номеран школ.




Л.КОШАЕВАН фотожо.

«Изи улына,
 изи улына,
 Киса кайык гай
 улына.
 Йочасадыш
 коштына,
 Кайыкым


ме пукшена», –
 тыге ойлат Волж-
 ский район Пöтъял
 школ пеленысе
 «Ромашка» йочаса-
 дыш изирак груп-
 пыш коштшо ньо-
 га-влак (снимкыш-
 те). Воспитатель-
 ышт – А.Г.Сави-
 нова.

Теат
 тыгай кормушко-
 влакым ыштыза.

Мастар кид



Сўретым чиялте.



«Ямде лий» 2020 ий 1 февраль



Индекс: П4696.
 Тираж 1150 экз. Заказ
 Формат – А-4-8.
 Тўн редактор Л.В.СЕМЕНОВА.

https://vk.com/yamde_lii
<https://ok.ru/yamdellii>
 E-mail: yamde_lii@mari-el.ru
 (документ кагазлан),
yamde_lii@mail.ru
 (автор-влаклан)
 Сайтын адресше:
yamdelii.ru

УЧРЕДИТЕЛЬ-ВЛАК: Марий
 Эл Республикысе культур, печ-
 ать да калык-влакын пашашт
 шотышто министерстве, «Ямде
 лий» газет» кугужаныш уни-
 тарный казна предприятий.

Газетым редакцийште погы-
 мо да верстатлыме, «Марий Эл
 Республикысе Правительствын типографийже» ООО-што
 ямде оригинал-макет гыч савыктыме. Типографийын
 адресше: 424000, Йошкар-Ола, Комсомольский урем, 112.

Газетым Массовый коммуникаций
 сферыште да культур наследийым
 аралымаште законодательством шук-
 тен шогымым эскерыше Федеральный
 службын Приволжский федеральный
 округысо управленийыштыже регист-
 рироватлыме.
 Номер – ПИ №ФС 18-1999,
 2005 ий 10 февральыште пуымо.

0+

Печатьыш пуымо жап –
 14-00,
 фактически – 13-00

Авторын да редакцийын шоныма-
 шышт тўрлö лийын кертыт. Серыш-
 влак мöнгеш огыт колталт.
 Ак – кутырен келшыме почеш.

Редакцийын да издательын адресше:
 424006, Йошкар-Ола, СССР Вооружённый
 Вийын 70-ше идалькше урем, 20-шо пöрт.
 Тел. 8(8362) 45-22-82(факс)



Ме курыкышто улына,
Умбак-торашке ужна.
Уна коеш почмо ял.
Тушто илаш – кугу пиал.
В.СМИРНОВЫН фотожо.



Ик шырпым верже дене
вашталтен, чын вашмутым
ыштыза.

Айста мунчалташ

Уремыште – теле.
Йоча-влак юарлат.
Мландым лум леведе –
Куанен модаш.
Могай мотор кече
Вүчкалта мемнам.
Йолыштемже – ече,
Айста мунчалташ!

Настя МИХАЙЛОВА.

Волжский,
Кугу
Корамас.



Йолташ кеч-куштат кеч-кунамат күлеш.

2020 ий 25 январыште савыкталтше «Чыве, Агытан да Пырыс» йомакым Оля Степанова огыл, а тудын шольыжо Максим Степанов возен. Нелеш налаш огыл манын йодына.

Марий алфавит
радамым ончен, калыкмутым пале.

12 1 13 32 12 32 14 11 18 20 1 22 6 22
4 32 15, 12 1 13 32 12 1 22 22 32 11 32
14 11 18 20 1 22 1.

Лиана МОСОЛОВА.
Советский, Шуарсола.

ЗАДАЧЕ

Математке кружокын ныл участникшылан – Алексеевлан, Борисовлан, Васильевлан да Григорьевлан – задачым шотлаш пуэныт. Рвезе-влак түрлө классыште тунемыт.

«Кö могай класс гыч?» йодышлан кажныже кок вашмутым пуышаш: иктыже – чын, весыже чын огыл лийшаш. Но нине вашмут гыч кө могай классыште тунеммым пален налшаш улына.

Рвезе-влак тыгай вашмутым пуэныт:

Алексеев. Мый А класс гыч улам, а Васильев – В гыч.

Борисов. Мый Б класс гыч улам, а Васильев – Г гыч.

Васильев. Мый В класс гыч улам, а Алексеев – Б гыч.

Григорьев. Мый А класс гыч улам, а Алексеев – В гыч.

Рашемдыза, кө могай класс гыч?




Рвезе-влак математике урокым йоратат, а тый? Шотлен лук.

10	-	6	=		7	+	3	=	
-				+	+				+
=				=	=				=
6	+		=	9	-	5	=		

Тушто

Пыртик-пыртик ошкылеш, изаж деч ок ойырло.


Изаже шалата, шольыжо чумырта.



Могай кубикым шындет?

Кумлук-влак түрлө улыт. Икгайым муын, стрелке дене ушыза.

Интернетысе сүрет-влакым кучылтмо.



Мичу гитар дене шокташ Вичу деч тунемын. Мөнгыштыжö колонко деке гитарым ушен. Кудыжым монден? Мичулан полшыза.



«Ямде лий» 2020 ий 1 февраль